

Vi ste ovdje: Početna Vijesti Vijesti 122 Bilten za 02.06.2026. godine



Menu

HOME

OGLASI

- KONKURSI
- JAVNE NABAVKE
- ZAVRŠENE JAVNE NABAVKE

VIJESTI 122 I SAOPĆENJA

AKTUELNO

GRADANSTVO

INFORMACIJE

CYBER SIGURNOST

LINKOVI

Arhiva bilten

Jun 2026						
Po	Ut	Sr	Ce	Pe	Su	Ne
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	1	2	3	4	5

Pregled vijesti 122



Bilten za 02.06.2026. godine

Objavljeno srijeda, 03 Juni 2026 09:37
Klikova: 90

JAVNI RED I MIR

Na području Zeničko-dobojskog kantona javni red i mir je narušen u dvadeset slučajeva. U navedenim slučajevima intervenisali su policijski službenici i protiv počinilaca prekršaja preduzeli zakonom predviđene mjere i radnje.

KRIMINALITET

Zenica

Dana 01.06.2026. godine, u 22,45 sati, u ulici Štrosmajerova, od strane nepoznatog lica je izvršeno zapaljenje putničkog motornog vozila marke "Opel", vlasništvo lica S.H., iz Zenice. Požar je lokalizovan od strane službenika Profesionalne vatrogasne jedinice Zenica. Izvršen je uviđaj od strane službenika Policijske uprave I, koji nastavljaju aktivnosti na rasvjetljavanju i dokumentovanju krivičnog djela "Izazivanje opće opasnosti", a tokom uviđajnih radnji je angažovan inspektor za zaštitu od požara Ministarstva unutrašnjih poslova Zeničko-dobojskog kantona.

Visoko

Dana 02.06.2026. godine, u 08,40 sati, u mjestu Ravne, od strane službenika Policijske stanice Visoko kontrolisano je putničko motorno vozilo marke "Peugeot" u kojem se nalazilo lice M.E., rođeno 2003. godine, iz Visokog. Izvršenim pregledom lica pronađena je praškasta materija koja svojim izgledom asocira na opojnu drogu. Zbog postojanja osnova sumnje da je izvršilo krivično djelo "Posjedovanje i omogućavanje uživanja opojnih droga" lice M.E. je lišeno slobode i zadržano u prostorijama za zadržavanje, te je nad istim zavedena kriminalistička obrada.

Dana 02.06.2026. godine, u 20,55 sati, u mjestu Gračanica, od strane službenika Policijske stanice Visoko izvršenim pregledom lica P.A., rođenog 1994. godine, iz Visokog pronađena je praškasta materija i tri tablete koje svojim izgledom asociraju na opojnu drogu težine 3,7 grama. Zbog postojanja osnova sumnje da je izvršilo krivično djelo "Posjedovanje i omogućavanje uživanja opojnih droga" lice P.A. je lišeno slobode i zadržano u prostorijama za zadržavanje, te je nad istim zavedena kriminalistička obrada.

Zavidovići

Dana 02.06.2026. godine, službenici Policijske stanice Zavidovići postupajući po Naredbi Općinskog suda Zavidovići su izvršili pretres kuće i pomoćnih objekata, vlasništvo lica O.F. rođeno 1961. godine, iz Zavidovića. Prilikom pretresa pronađen je jedan pištolj, automatska puška, 74 komada municije i vojni bajonet. Zbog postojanja osnova sumnje da je izvršilo krivično djelo "Nedozvoljeno držanje oružja ili eksplozivnih materija" lice O.F. je lišeno slobode i zadržano u prostorijama za zadržavanje. Službenici Policijske stanice Zavidovići nastavljaju aktivnosti na dokumentovanju navedenog krivičnog djela.

Dana 02.06.2026. godine, u 13,20 sati, u ulici Krivajska, od strane službenika Policijske stanice Zavidovići kontrolisano je teretno motorno vozilo marke "Mercedes" kojim je upravljalo lice I.I., rođeno 2003. godine, iz Zavidovića, kojom prilikom je ustanovljeno da isti vrši prevoz 3,5 m3 drvene mase bez potrebne dokumentacije. Na lice mjesta su izašli uposlenici Kantonalne uprave za šumarstvo Zeničko-dobojskog kantona. Drvna masa je oduzeta, a službenici Policijske stanice Zavidovići nastavljaju aktivnosti na dokumentovanju krivičnog djela "Šumska krađa".

Dana 02.06.2026. godine, u 18,20 sati, u dežurnu službu Policijske stanice Zavidovići se obratio dežurni medicinski tehničar Službe hitne medicinske pomoći Zavidovići i prijavio da je u navedenene prostorije dovezena H.S., iz Zavidovića sa povredama nanesenim hladnim oružjem-nožem, koja je tom prilikom zadobila lake tjelesne ozljede konstatovane u Kantonalnoj bolnici Zenica. Zbog postojanja osnova sumnje da je počinilo krivično djelo "Ubistvo", u vezi sa članom 28. Krivičnog zakona Federacije Bosne i Hercegovine "Pokušaj", lice B.N., rođeno 1981. godine je lišeno slobode i zadržano u prostorijama za zadržavanje, te je nad istim zavedena kriminalistička obrada. Izvršen je uviđaj od strane službenika Policijske stanice Zavidovići koji nastavljaju aktivnosti na dokumentovanju navedenog krivičnog djela.

Doboj-Jug

Dana 02.06.2026.godine, u 09,30 sati, u mjestu Mravići, od strane Š.Š., rođene 1997. godine, iz Doboj Juga, su upućene prijetnje prema Š.M., rođenoj 1985. godine, iz Doboj Juga. Zbog postojanja osnova sumnje da je izvršila krivično djelo "Ugrožavanje sigurnosti" Š.Š. je lišena slobode i zadržana u prostorijama za zadržavanje, te je nad istom zavedena kriminalistička obrada.

Žepče

Dana 02.06.2026. godine, u 13,54 sati, u mjestu Golubinja, od strane službenika Policijske stanice Žepče kontrolisano je putničko motorno vozilo marke "VW" kojim je upravljalo lice G.B., rođeno 1980. godine, iz Kiseljaka. Izvršenim pregledom lica pronađena je materija koja svojim izgledom asocira na opojnu drogu. Zbog postojanja osnova sumnje da je izvršilo krivično djelo "Posjedovanje i omogućavanje uživanja opojnih droga" lice G.B. je lišeno slobode i zadržano u prostorijama za zadržavanje, te je nad istim zavedena kriminalistička obrada. Izvršen je uviđaj od strane službenika Policijske stanice Žepče koji nastavljaju aktivnosti na dokumentovanju navedenog krivičnog djela.

BEZBJEDNOST SAOBRAĆAJA

Na području Kantona dogodilo se pet saobraćajnih nezgoda, u kojima su tri lica zadobila lakše tjelesne ozljede, teže povrijeđenih lica nije bilo, dok je na vozilima pričinjena materijalna šteta.